



ILIDŽA

INFORMATIVNI BILTEN OPĆINE ILIDŽA

Ilidža • Novembar 2018

• Broj 176





Obilježen Dan državnosti

U povodu obilježavanja 25. novembra, Dana državnosti BiH, 23. novembra održana je svečana sjednica Općinskog vijeća Ilidža. Prisutnim su se obratili predsjedavajući Općinskog vijeća Ilidža Muhamed Omerović i načelnik Općine Ilidža prof. dr. Senaid Memić, koji su svim građanima uputili čestitku za Dan državnosti BiH.

“Ovo je prilika sjetiti se svih vrijednosti borbe za ljudska prava, borbe protiv fašizma, borbe za slobodu i uvijek isticati značaj ovog velikog datuma u historiji naše zemlje. Biti nezavisan i biti slobodan vrijednost je kojoj teži svaka zajednica. Čuvanje istog, naše je i breme i obaveza. Bosnu otkako ona postoji nikad niko nije uspio podijeliti. Ona je svoj teritorijalni integritet i cjelovitost sačuvala od srednjovjekovne države do danas, tako će biti i ubuduće“ rekao je predsjedavajući Općinskog vijeća Ilidža Muhamed Omerović.



Načelnik Općine Ilidža prof.dr. Senaid Memić je podsjetio da je obaveza svih državljana da obilježavaju ovaj datum, jer se tako prisjećamo bogate dugogodišnje historije Bosne i Hercegovine, jednako otvorene za sve njene narode.

“Naš put je put zajedničkog života, međureligijske tolerancije, poštovanja i borbe za održavanje multietničnosti BiH. Bosnu su odbranili oni najsrdačniji, najpošteniji, najjednostavniji i najprostiji stanovnici, oni koji nisu kalkulirali. Oni koji su znali i bili svjesni da su deset puta manje naoružani od neprijatelja, ali da nemaju drugu domovinu „ izjavio je načelnik Memić, te dodao da se ne smije ta zasluga zaboraviti.

On je rekao i da je povjerenje najbitnije u društvu, jer se ljubav prema državi iskazuje kroz povjerenje.

„Pokazat ćemo svima da nam je stalo, koliko budemo pazili prvog do sebe“ zaključio je Memić. Mirnes Omerović, ilidžanski osnovac izveo je recital za sve prisutne.

Prije održavanja sjednice delegacije su položile cvijeće na spomen-obilježje Kosturnica u Velikoj aleji i spomen-obilježje ispred zgrade Općine Ilidža.




REDOVNA SJEDNICA OPĆINSKOG VIJEĆA

Utvrđen Nacrt Budžeta u iznosu 28.500.000 KM

Općinsko vijeće Ilidža na 20. redovnoj sjednici održanoj 29. novembra 2018. godine u Multifunkcionalnoj sali utvrdilo je Nacrt Budžeta u iznosu 28.500.000 KM i uputilo ga na javnu raspravu po MZ. Prema ovom nacrtu za obrazovanje je planirano 770.000,00 KM, kultura i vjerski objekti 650.000,00 KM, javne ustanove 536.000,00, socijalna izdavanja (invalidna lica, raseljena lica, vojni invalidi, jednokratne novčane pomoći) 795.000,00, udruženja građana 600.000,00, sport 410.000,00, civilna zaštita i Općinska izborna komisija 413.300,00, tekući transferi u MZ 400.000,00 političke partije 164.000,00, te podsticaj za poljoprivredu 320.000,00 KM. Prva javna rasprava održat će se 4. decembra u 18,00 sati u prostorijama Doma kulture Butmir za mjesne zajednice Butmir i Donji Kotorac, a istog dana u 19,30 sati za MZ Sokolović-Kolonija, u prostorijama Doma kulture u ovoj mjesnoj zajednici. Rasprava u MZ Hrasnica I planirana je 5. decembra u 18,00 sati u objektu MZ, a za Hrasnica II u 19,30 sati, također u prostorijama MZ. Stanovnici MZ Lužani u prostorijama ove MZ o ovom dokumentu raspravljat će 6. decembra u 18,00 sati, a u 19,30 sati Ilidža-Centar.

MZ Vreoca-Vrelo Bosne na rasporedu je 7. decembra u 18,00 sati u prostorijama ove MZ, a istog dana MZ Osjek u 19,30 sati. Rasprava za građane MZ Blažuj održat će se 10. decembra u 18,00 sati u prostorijama ove MZ, a Rakovice u 19, 30. U prostorijama MZ Otes rasprava će se održati 11. decembra u 18,00 sati, a 19,30 sati u MZ Stup. Javna rasprava za stanovnike Stupskog brda održat će se 12. decembra u 18,00 sati u prostorijama MZ, a u 19, 30 građani Stup II se pozivaju da daju svoja mišljenja i prijedloge.

Informacija o problemu pasa lualica

Razmatrana je i Informacije o problemima pasa lualica na području ove općine.

Općina Ilidža je sama krenula u aktivnost konkretnog rješavanja problema pasa lualica, te je sa Zemljičaradničkom zadrugom Ilidža oformirala sklonište za napuštene životinje u Gladnom polju i 06. 06. 2012 godine Zaključila ugovor sa Zemljičaradničkom zadrugom Ilidža na zbrinjavanju pasa lualica sa područja općine, koji je još uvijek aktivan Aneksom ugovora.

Prihvatište u Gladnom polju kojim upravlja i gazduje UPI Zemljičaradnička zadruga Ilidža je malog kapaciteta gdje se maksimalno može smjestiti 100 napuštenih životinja i gdje je trenutno smješteno nešto više od 80 pasa lualica (84). Pošto je na nivou Kantona Sarajevo gotovo sistemski riješen problem pasa lualica nameće se pitanje i trajnog rješavanja prihvatilišta u Gladnom polju da li spajanjem sa azilom u Prači ili dislociranjem svih pasa u azil Prači. Treba napomenuti da je Općinsko vijeće Ilidža u proteklom periodu imalo sluha za navedenu problematiku samim tim što je podržalo izdavanje novčanih sredstava za prihvatilište napuštenih životinja u Gladnom polju, te kroz svoje redovne sjednice donosilo zaključke, prijedloge, podrške i sl. za navedenu problematiku. Broj udomljenih pasa lualica, po evi-

Usvojen izvještaj o izvršenju Budžeta za period 01. 01. -30. 09. 2018. godine

Općinsko vijeće Ilidža usvojilo je Izvještaj o izvršenju Budžeta Općine Ilidža za period 01.01.-30.09.2018. godine. Ukupno ostvareni prihodi i primici iznose 22.302.282,39 KM, a ostvareni rashodi i izdaci 20.210.443,18 KM. Razlika između ostvarenih prihoda i primitaka i rashoda i izdataka 2.091.839,21 KM, prenosi se u budžet za naredni period.



denciji UPIZZ, je 205. Broj pasa lualica koje su nevladine organizacije udomile ili na drugi način zbrinule je 342, a za koje UPI ZZ nema evidenciju. Od početka 2018. godine evidentirana su tri napada pasa lualica. Broj tužbi od strane građana prema Općini Ilidža vezano za napade i ozljede od pasa lualica je 46, od kojih su u 32 predmeta prvostepene presude, čeka se odluka drugostepenog suda, 13 tužbi su u toku postupka, a jedna tužba je izvršena po drugostepenoj presudi. Da bi što kvalitetnije riješili problem pasa lualica sa područja općine Ilidža i šire neophodne su slijedeće mjere koje bi se trebale kretati u nekoliko pravaca: donijeti općinsku odluku o uslovima i načinu držanja pasa, uraditi bazu podataka o svim vlasnicima pasa, izvršiti mikročipovanje svih pasa, rečeno je na 20. redovnoj sjednici.



Stipendije za 146 učenika i 248 studenta

Općinsko vijeće Ilidža je na sjednici donijelo Odluku o stipendiranju 394 talentovanih učenika i studenta u školskoj/akademskoj 2018/2019. godini u ukupnom iznosu od 361.740 KM. Odlukom će se stipendirati 146 učenika srednjih škola i 248 studenta. Mjesečni iznos stipendije za učenike i studente prve godine je 78 KM, a za studente od druge do šeste godine kreće se u rasponu od 96 do 120 KM zavisno od postignutog rezultata u predhodnoj godini. Stipendije će se isplaćivati deset mjeseci. Sredstva dodijeljena stipendijom se ne vraćaju.

Odluka o priznanjima Općine Ilidža

Općinsko vijeće donijelo je Odluku o priznanjima Općine Ilidža kojom se utvrđuju priznanja koja se dodjeljuju pojedincima i kolektivima sa područja općine Ilidža za izuzetne uspjehe u razvoju privrede i društvenih djelatnosti, kao i značajan doprinos u odbrani općine. Izuzetno, priznanja se mogu dodjeljivati pojedincima i kolektivima koji nisu sa područja općine Ilidža, ako su njihovi rezultati primjereni ugledu općine, te posthumno pojedincima. Priznanja po odluci su Povelja počasnog građanin/građanka općine Ilidža, Povelja za životno djelo, Zlatna i Srebrna plaketa, Zahvalnica i Plaketa odbrane. Godišnje se može dodijeliti jedna Povelja počasnog građanin/građanka općine Ilidža, jedna povelja za životno djelo, jedna zlatna plaketa pojedincima i jedna kolektivima, dvije Srebrne plakete pojedincima i dvije kolektivima, pet zahvalnica i jedna Plaketa odbrane. Prijedloge za dodjelu priznanja mogu podnositi građani pojedinci, udruženja građana, savjeti mjesnih zajednica, boračke organizacije i udruženja, političke partije, vijećnici Općinskog vijeća Ilidža,



Informacija o radu Drugostepene stručne komisije

Vijeće je primilo k znanju Informaciju o radu Drugostepene stručne komisije za period od 1. jula do 30. septembra 2018. godine sa ocjenom stanja i prijedlogom mjera. Komisija je u izvještajnom periodu održala četiri redovne sjednice na kojima je razmatrala 46 predmeta, od kojih je 22 žalbe i 24 tužbe. Komisija je u okviru propisanih nadležnosti poduzela propisane radnje, vodila aktivnosti u cilju rješavanja po žalbama, te u zakonom propisanim rokovima provela žalbene postupke i donijela odluke i riješila sve zaprimljene predmete.

općinski načelnik, ustanove i drugi organi i organizacije sa područja općine Ilidža. Priznanja se ne mogu dodijeliti uposlenicima općine Ilidža za rezultate ostvarene u obavljanju poslova predviđenih opisom radnog mjesta, izabranim zvaničnicima svih nivoa vlasti u BiH za vrijeme trajanja mandata. Priznanja se ne mogu dodijeliti kolektivima ili pojedincima kojim su ista dodijeljena u posljednjih pet godina. Prijedlozi za dodjelu priznanja podnose se u pisanoj i elektronskoj formi sa obrazloženjem i relevantnom dokumentacijom sa naznakom za koju vrstu priznanja se podnosi prijedlog. Svaki prijedlog za dodjelu priznanja mora biti obrazložen i dokumentovan.

Data saglasnost na Program rada JP „Ilidža“ za 2019.

Općinsko vijeće je na sjednici razmatralo i dalo saglasnost na Program rada Javnog preduzeća „Ilidža“ d.o.o. za 2019. godinu. Javno preduzeće „Ilidža“ d.o.o. čiji osnivač je Općina Ilidža pruža usluge komunalnih i drugih djelatnosti od općeg interesa za Općinu. U programu rada za 2019. poslovnu godinu, u cilju podizanja većeg standarda u zaštiti životne sredine na području općine Ilidža JP „Ilidža“

planira redovno održavanje zelenih površina, mašinsko i ručno čišćenje korita vodotoka i potoka, održavanje javnih česmi, fontana, javnog wc-a i Centralnog spomen obilježja, održavanje uređaja i postrojenja lokalne kanalizacione mreže, održavanje platoa ispred mjesnih zajednica, održavanje zaštitnog pojasa saobraćajnica, čišćenje odvodnih kanala, uklanjanje snijega i leda sa pješačkih staza i platoa, ljetno održavanje makadamski saobraćajnica, održavanje higijene sportskih igrališta, košenje trave na dječijim igralištima i održavanje metalnih ograda na mostovima.



Potpisan Memorandum o razumijevanju i Sporazum o saradnji u projektu „Čista rijeka Bosna“

Načelnik Općine Ilidža prof. dr. Senaid Memić i projekt menadžer Organizacije za razvoj turizma-ROTOR Siniša Mitrović, 22. novembra 2018. godine u prostorijama Općine potpisali su Memorandum o razumijevanju i Sporazum o saradnji u projektu „Čista rijeka Bosna“ za 2019. godinu. U okviru prve faze projekta „Čista rijeka Bosna“ finansiranog od strane Ambasade Sjedinjenih Američkih Država u Bosni i Hercegovini, u toku 2018. godine realizovane su aktivnosti za poboljšanje ekološkog stanja i turističkog imidža područja sliva rijeke Bosne. U aktivnostima na realizaciji projekta i eko kampanji bilo je uključeno 13 lokalnih zajednica, među kojima i Ilidža, a koje se nalaze u slivu rijeke Bosne, te Institut za zdravlje Zenica kao glavni partner na projektu. Organizator i implementator projekta je ROTOR-Orgnizacija za razvoj turizma regije. Projekat „Čista rijeka



Bosna” bazira se na identifikaciji i uklanjanju manjih nelegalnih odlagališta čvrstog otpada u gradovima koji se nalaze uz rijeku Bosnu i uz glavnu putnu saobraćajnicu, te na animiranju stanovništva da doprinese poboljšanju stanja životne sredine u slivu rijeke.

Ilidža konačno slobodna od mina

Završetkom posljednjeg projekta oslobađanja minski sumnjivog područja na lokalitetu Vela u općini Ilidža, ova općina konačno je slobodna od mina. U proces deminiranja bili su uključeni brojni međunarodni donatori, ali i sama općina koja je izdvajala sredstva iz vlastitog budžeta, uvidjevši ključni značaj deminiranja za sigurnost stanovništva, razvoj turizma i privrede općenito. Ilidža je nakon rata imala 17,5 miliona kvadratnih metara minski sumnjive površine, a danas je slobodna od mina. U općini Ilidža 22. novembra 2018. godine održana je svečana ceremonija na kojoj je je načelnik Općine Ilidža prof. dr. Senaid Memić proglasio Ilidžu očišćenu od mina.

“Cilj naše lokalne zajednice bio je da našu općinu potpuno očistimo od mina. Tim smo uradili ogroman posao i sam projekat je mnogo značajan, jer smo mi pozitivan primjer u BiH na koji sam ponosan. Broj pronađenih mina u minskim poljima iznosio je 2.380 komada. Pronađeno je NUS-a 2.023 iz minskih polja, a prikupljeno je po prijavi građana 2.915 komada. Iz Budžeta Općine Ilidža izdvojeno je za ove namjene 2.500.000 KM. Dragi moji građani želim da vam kažem da je Ilidža konačno očišćena od mina” izjavio je načelnik Općine Ilidža prof. dr. Senaid Memić.

Direktor ITF-a Tomaž Lovrenčič zahvalio se općinskoj administraciji na angažmanu ističući da je Ilidža prva općina u BiH koja očišćena od mina. Mirsad Mirojević, žrtva mina u svom obraćanju zamolio je donatore da ne zaborave stradale od mina i da nastave pomagati im i dalje. Skupu su prisustvovali brojni ambasadori i međunarodni donatori koji su pomogli da Ilidža bude očišćena od mina. Radove deminiranja na posljednja tri projekta u ovoj općini, površine šest miliona kvadratnih metara, realizovalo je Udruženje Centar za obuku pasa za otkrivanje mina u Bosni i Hercegovini - MDCC. Načelnik Memić je ovom prilikom uručio zahvalnice donatorima na nesebičnoj podršci procesa deminiranja u općini Ilidža.





Načelnik Memić ugostio predstavnike Centra Ilim Yajma Cemiyeti

Predstavnici Centra Ilim Yajma Cemiyeti iz istanbulske općine Bajrampaša i Centra za razvoj i afirmaciju kulture i obrazovanja Litteratus iz Sarajeva posjetili su načelnika Općine Ilidža prof.dr. Senaida Memića.

Na čelu delegacije bili su predsjednik Centra Yajma Cemiyeti Mustafa Hosoglu i direktor Centra Litteratus Admir Muslija. Pored upoznavanja, tema razgovora bila je proširenje saradnje ove dvije općine i realizacija određenih projekata iz oblasti obrazovanja.



Asfaltirano šest ulica

Na području općine Ilidža završeno je asfaltiranje šest ulica. Općina Ilidža je za ove namjene izdvojila 120.722,00 KM. Jedna od tih ulica je ulica Vlakovo koja pripada Mjesnoj zajednici Blažuj, čija je dužina 220, a širina dva metra. Izvođač radova je bila firma Braća Mujić d.o.o., dok je Općina za ove radove izdvojila 30.000,00 KM.

Jedna od ulica u kojoj je završeno asfaltiranje je spoj Bojnička-Mehe Porobića u MZ Stup, u dužini 105 i širini šest metara. Izvođač radova je firma GP ING d.o.o, a radove je finansirala Općina u vrijednost radova 26.000,00 KM.

Urađena je i rekonstrukcija platoa ispred Četvrtne osnovne škole u MZ Hrasnica I, površine 480 kvadratna metra. Izvođač radova bila je firma Braća Mujić d.o.o. Vrijednost radova 18.222,87 KM, a finansirala ih je Općina Ilidža.

U ulici Mekote u Osjeku asfalirano je 185 metara i tri metra širine. To je urađeno zajedničkim sredstvima Općine i građana (70 posto općina, 30 posto građani).

Izvođač radova je GP ING d.o.o a radovi su koštali 15.500,00 KM. Okončano je po istom principu i asfaltiranje

ulice Poligonska 102-122 u MZ Butmir u, dužini 230 i širini tri metra. Izvođač radova bio je konzorcij firmi OXA d.o.o. i Demus d.o.o. Vrijednost radova: 17.000,00 KM.

Završeno je asfaltiranje ulice Grabovine koja pripada Mjesnoj zajednici Blažuj, u dužini 190 i širini tri. Izvođač radova: GP ING d.o.o, a vrijednost radova 14.000,00 KM.



Općina izdvojila 33.000 KM za nabavku stolarije u Osnovnoj muzičkoj školi

Općina Ilidža obezbijedit će sredstva za finansiranje zamjene stolarije u Osnovnoj muzičkoj školi Ilidža. Iz svog Budžeta izdvojit će 33.000 KM za te namjene. Tim povodom u Općini Ilidža 2. novembra 2018. godine načelnik Općine Ilidža prof. dr. Senaid Memić i direktorica JU Osnovna muzička škola Ilidža Dijana Preljević potpisali su sporazum.

“Iako nije naša nadležnost mi želimo da naša djeca imaju dobre uslove za obrazovanje. Generalno izdvajamo mnogo novca za obrazovanje, jer smatramo da ulaganje u obrazovanje, ulaganje u našu budućnost” izjavio je načelnik Općine Ilidža prof. dr. Senaid Memić.

“Hvala Općini i načelniku koji ima sluha za naše potrebe. Mi imamo odličnu saradnju sa Općinom Ilidža na čijem čelu je prof. dr. Senaid Memić, koji pruža nesebičnu podršku našoj školi, ali ne samo našoj nego svim školama na području ove općine. Ova škola puni 42 godine postojanja, a u ratnom periodu bila je potpuno devastirana. Uz pomoć donatora vraćena je u funkciju, a sa ovom donacijom bit ćemo u

mogućnosti da djeci obezbijedimo bolje uslove. Sredstva ćemo iskoristiti da zamjenimo stolariju u našoj školi koja je dotrajala i stara” dodala je Dijana Preljević direktorica Osnovne muzičke škole Ilidža.

Od samih početaka svoga rada škola je zauzimala važno mjesto u organizovanju i učešću na kulturno-umjetničkim manifestacijama Ilidže, Sarajeva, BiH. Na domaćim i međunarodnim takmičenjima učenici ove škole osvojili su mnogobrojne nagrade.





Istraživanje o pitanjima jednakosti i ravnopravnosti spolova o rodno zasnovanom nasilju u porodici

U sklopu realizacije Gender akcionog plana u 2018. godini, radna grupa Općine Ilidža pripremila je prezentacija koja je održana 21. novembra u Multifunkcionalnoj sali Općine Ilidža. Istraživanje o pitanjima jednakosti i ravnopravnosti spolova, o rodno zasnovanom nasilju u porodici na terenu je provela nezavisna agencija za ispitivanje tržišta, javnog mnijenja i medija u Bosni i Hercegovini KANTAR TNS.

Tokom anketiranja ukupno je kontaktirano 541 domaćinstvo, dok je anketirano 300, odnosno 55,45 posto. Nemogućnost uspostavljanja kontakta je sa 92 domaćinstva, odnosno 17 posto dok je sa 149, ili 27,55 posto teško uspostavljen kontakt.

Razlozi za odbijanje: odmah na vratima bez objašnjenja, nisam zainteresovan, nemam vremena i slično. Upitnik je sadržavao 18 funkcionalnih pitanja od toga devet demografskih pitanja (spol, starost, obrazovanje, bračni status, broj članova domaćinstva, broj djece do 18 g., mjesečni prihodi domaćinstva, vjerska uvjerenja i nacionalnost. Istraživanje je provedeno od 18-26 jula 2018 i to CAPI metodom face to face u kući ispitanika. Načelnik Općine Ilidža prof. dr. Senaid Memić u svom obraćanju naglasio je da se nasilje ne smije dešavati niti ima opravdanja.

Azra Jahić, vijećnica Općinskog vijeća Ilidža i predsjednica Komisije za ljudska prava, predstavke i prijedloge naglasila je da je egzistencija ključni faktor u suzbijanju nasilja u porodici.

“Nasilje u porodici nije privatna stvar. Žrtve nasilja u porodici moraju biti trajno zaštićene od nasilnog člana porodice, a lokalna zajednica i centar za socijalni rad može mnogo učiniti u sprječavanju nasilja u porodici “podcrtala je Azra Jahić, te dodala da svako nasilje odmah treba prijaviti policiji.

Svoja iskustva o ovoj temi podijelili su i predstavnici Centra za socijalni rad Ilidža, Centra za mentalno zdravlje, MUP-a KS i Agencija za ravnopravnost spolova BiH.

Na ovoj prezentaciji zaključeno je kako je neophodno socijalno-ekonomsko osnaživanje žena kao i osnaživanje porodice, uz povećanje preventivnih mjera za suzbijanje.



Općina Ilidža, primjer dobre prakse

Općina Ilidža bila je domaćin službenicima za mlade iz 24 općine.

Institut za razvoj mladih Kult u partnerstvu s Federalnim ministarstvom kulture i sporta, organizira certificiranu obuku službenike za mlade, a Općina Ilidža je primjer dobre prakse.

Amra Bojičić, predstavica Službe za obrazovanje, kulturu, sport i informisanje upoznala je goste sa načinom rada Općine, čiji efekti u praksi rezultiraju realizacijom pozitivnih projekata za mlade.


O položaju mladih, poboljšanju njihovog statusa, inicijativama, o saradnji Općinskog vijeća sa nadležnom službom govorili su i vijećnici Općinskog vijeća, odnosno članovi Komisije za obrazovanje, kulturu i fizičku kulturu Samir Avdić, Redžo Lemezan, Ahmed Krupalija i Mirza Alijagić.

Službenici/e za mlade dužni su stalno raditi na stručnom osposobljavanju i usavršavanju.

Obuka službenika za mlade ima za svrhu da osobe koje u državnoj službi obnašaju funkciju i poslove službenika za mlade budu stručno osposobljeni za rad s mladima uz posjedovanje stručnih kompetencija i sertifikata.

Logika garancije za mlade je jednostavna i svodi se na to da se mladima do 30 godine života osigura kvalitetan posao, nastavak školovanja, odnosno stažiranja u nekom razumnom roku koji nije duži od pola godine, od trenutka kada su završili školovanje ili izgubili posao. Dakle, smisao je da im se mjerama na tržištu rada nađe posao koji odgovara njihovom obrazovanju, vještinama i iskustvu ili da steknu obrazovanje, vještine i iskustva koja će im povećati šanse na tržištu rada. Jedan od problema koji su mladi istakli osim zapošljavanja jesu i problemi u obrazovnom sistemu i sigurnost, rečeno je na skupu.





Novi izgled Male aleje

U općini Ilidža u toku je nastavak uređenja Male aleje. Budžetom Općine Ilidža za 2018. planirana su sredstva u iznosu od 350.000,00 KM. Nakon izrade projektno tehničke dokumentacije i provedene procedure javne nabavke, odabran je izvođač Braća Mujić sa kojim je sklopljen Ugovor o izvođenju radova na nabavci i postavljanju tendi - nadstrešnica u ulici Mala aleja. Prema projektovanom rješenju, radi se sedam slobodnostojećih tendi (4 veće i 3 manje) postavljenih u nizu sa pasažima širine 2.10 metara između svake tende pojedinačno.

Tende se postavljaju u središnjem dijelu šetnice između drvoreda, čineći sa njim jednu ugodnu i estetski prihvatljivu cjelinu. U toku ljetnih mjeseci ti natkriveni dijelovi šetnice koristit će se kao bašte. Radovi su otpočeli 16. novembra 2018. godine, a rok za izvođenje je 40 dana.



Općinsko takmičenje iz programa „Upozoravanje na opasnost od mina“

Dvadesetdrugo općinsko takmičenje učenika osnovnih škola Ilidže iz programa „Upozoravanje na opasnost od mina“ u organizaciji Crvenog križa Ilidža održano je 8. novembra 2018. godine u Prvoj osnovnoj školi. Na takmičenju su učestvovali učenici sedmih razreda iz 10 osnovnih škola, a svaku školu predstavljalo je po tri učenika. Prvo mjesto osvojila je ekipa Druge osnovne škole, drugo Treće i treće mjesto ekipa Devete osnovne škole. Pobjednik ovog takmičenja predstavljat će općinu na kantonalnom takmičenju.





Merisa Bijelonja promovisala prvu knjigu "Bijeg od istine"

Merisa Bijelonja 16. novembra u punoj sali Multimedijalnog centra promovisala svoju prvu knjigu "Bijeg od istine".

"Ponosna sam na sebe, jer mi se ispunio san. Nije bilo lako napisati knjigu, ali ja nisam bježala od svojih snova. Iskreno se nadam da ćemo se vidjeti za dvije godine na promociji moje nove knjige" rekla je Merisa, koja ima samo 15. godina. Promotori su bili Indira Buljubašić i Zorica Đurasović.

Prijem za prvake u streljaštvu

Streljački klub Ilidža na nedavno održanom federalnom takmičenju u Zenici u streljaštvu serijskom vazdušnom puškom osvojili su prvo mjesto, ekipno u kategoriji senior u takmičarskoj 2018. godini.

Tim povodom načelnik Općine Ilidža prof. dr. Senaid Memić upriličio je 14. novembra 2018. godine prijem za ove prvake.

"Čestitam vam na uspjehu. Vašim rezultatom doprinijeli ste da se ime Ilidža čuje i poštuje na ovom takmičenju. Svakako sam ponosan na vaše uspjehe i nastavite tako, a naša pomoć u skladu sa našim mogućnostima je neupitna, kazao je načelnik Memić.



Organizovano besplatno mjerenje šećera u krvi

Svakog četrnaestog dana novembra (14.11), obilježava se Svjetski dan dijabetesa. Ovu kampanju su 1991. godine pokrenuli Međunarodna dijabetička Federacija (International Diabetes Federation, IDF) i Svjetska zdravstvena organizacija kao odgovor na sve izraženiji, rastući problem šećerne bolesti (dijabetesa) i opterećenja koje ona predstavlja na pojedince, njihove bližnje i društvo u cjelini.

Tema Svjetskog dana dijabetesa za 2018. godinu je Porodica i dijabetes, čime se želi podići svijest o uticaju koji dijabetes ima na cijelu porodicu te promovisati ulogu porodice u samozbrinjavanju, njezi, prevenciji i edukaciji o dijabetesu.

I na Ilidži je postavljen jedan štand, na kojem članovi Udruženja dijabetičara Kantona Sarajevo mjerili šećer u krvi za sve građane koji su posjetili štand. Ovu aktivnost podržala je Općina Ilidža na čemu je Emina Bravo, predstavnica roditelja malodobne djece oboljele od dijabetesa izrazila veliku zahvalnost.

"Hvala Općini i načelniku prof.dr. Senaidu Memiću koji uvijek ima razumijevanja za naše potrebe i iznađe sredstva za naše projekte" dodala je Bravo.

Na području KS registrovano je hiljadu mladih ljudi starijih iznad 18 godina i 250 djece mlađe od 18, koji su oboljeli od ove bolesti.





GSS Ilidža domaćin obuke SAR 2018

U Domu kulture 23. novembra u Butmiru organizovana je obuka gorskih službi spašavanja, na kojoj je domaćin bila GSS Ilidža. Na ovoj trodnevnoj obuci pripradnici, rukovodioci i ostali članovi GSS-a, kao i svi ostali građani mogli su se upoznati sa novim metodama traganja, orijentacije, komunikacije, pružanja prve pomoći i ostalih oblasti vezanih za ovaj humani poziv. Obuci "SAR 2018" (Search and rescue) pored domaćina GSS Ilidža, prisustvovali su još i članovi GSS Novi Grad Sarajevo te GSS Trebević.

Pored teoretskog dijela, po planu i programu je održan je i dio obuke, gdje su se pripadnici obučavali orijentaciji na terenu uz čitanje topografske karte, ali i GPS sistema. Predavač na obuci je bio predsjednik SGSSuBiH Zdenko Marić, koji je istakao da Bosna i Hercegovina iako siromašnija zemlja u odnosu na razvijene alpske zemlje gdje je spašavanje i traganje mnogo razvijene, nastoji da koliko toliko slijedi moderne metode i tehnike traganja uz konstantnu edukaciju kadra. Također predavač iz oblasti primjenjene medicine spašavanja u GSS BiH je bila i dr. Katarina Hrkač.



Korisna predavanja za prosvjetne radnike

U organizaciji Udruženja za edukaciju, stručno usavršavanje i cjeloživotno učenje "Edu Arena na Ilidži" u Hotelu Hollywood održan je Drugi naučni simpozij unapređenja rada prosvjetnih radnika i obrazovnih institucija "Primjena novih tehnologija u nastavi" koji je okupio više od 200 prosvjetnih radnika iz cijele Bosne i Hercegovine. Ovaj događaj imao je za cilj da unaprijedi i olakša rad prosvjetnih radnika, koji će im pomoći da idu u korak sa savremenim praksama u Evropi i svijetu. Učesnicu su imali priliku slušati veoma zanimljive primjere iz prakse, Ovaj projekat finasijski je podržala Općina Ilidža i Ministarstva za obrazovanje, nauku i mlade Kantona Sarajevo, a partner na projektu bila je Ustanova za obrazovanje odraslih „Centar za obrazovanje i poduzetništvo“ Sarajevo. Predavanja su bila aktuelna, korisna i tempirana na način da u svakom segmentu drže pažnju prisutnih.



Škole prijatelji zdrave ishrane

Naša zemlja se, prema podacima Svjetske zdravstvene organizacije, nalazi na visokom mjestu po broju osoba sa prekomjernom težinom, a stopa smrtnosti od bolesti vezanih uz nepravilnu ishranu u FBiH dosegla je 53,9 posto.

Ovi pokazatelji bili su jedan od razloga da se krene sa implementacijom projekta pod nazivom "Škola prijatelji zdrave hrane."

Unapređenje zdrave ishrane kako prehrambenog okruženja već i navika, a sve sa ciljem unapređenja zdravlja cilj je projekta kojeg realizuje UNICEF BiH, Partnerstvo za javno zdravlje, Zavod za javno zdravstvo FBiH, Ministarstvo za obrazovanje, nauku i mlade KS I Udruženje kuhara BiH.

Jedna od škola u pilot projektu je i Prva osnovna škola na Ilidži. Prvačići ove škole, njih 80 poslušali su predavanje poznatih kuhara o važnosti zdrave ishrane, a za njih je bila pripremljena i degustacija.





Memorijalni turnir u šahu „Hajrudin Hajro Juković“

U organizaciji šahovskog kluba „Igman“ Ilidža, 4. novembra 2018. godine u prostorijama kluba održan je Memorijalni turnir u šahu „Hajrudin Hajro Juković“ u znak sjećanja na preminulog člana ovo šahovskog kluba. Na turniru je učestvovalo 10 igrača koji su igrali po Bergerovom sistemu svako sa svakim tempo igre 10 minuta po igraču. Prvo mjesto osvojio je Fahrudin Čolpa sa osvojenih 8 bodova, drugo Džeko Škrijelj sa 7,5 bodova i treće Refik Zenović sa 7,5 bodova.

„Hajrudin je bio pripadnik Armije Bosne i Hercegovine koji se borio na ilidžanskom ratištu. Po završetku rata aktivno se uključio u rad šahovskog kluba i bio jedan od najistaknutijih članova. Ovo je peti po redu turnir koji organizujemo u znak sjećanja na našeg rahmetli šahistu, a koji je tradicionalan“, kazao je Kemal Bajramović predsjednik kluba.



Malonogometni turnir Igman Winter Cup 2018.

Malonogometni turnir Igman Winter Cup 2018. na Ilidži predstavljao je najbolji završetak fudbalske sezone za sve učesnike. Nastupilo je šesnaest ekipa sa više od 160 aktera iz BiH. Pobjednik kod igrača rođenih 2006. je ekipa Olimpa sa Pala koja je u finalu savladala Fair Play s 5:0. Trećeplasirani bio je Igman sa Ilidže. Titula najboljeg golmana pripala je Kulašević Nemanja (Olimp), najbolji strijelac ujedno i igrač je Merdžanović Eman (Fair Play).

Organizatori turnira se zahvaljuju svim ekipama koje su učestvovala na Igman Winter Cupu, uz čestitke pobjednicima, te se zahvaljuju prijatelju kluba, Mehmedu Janjošu, što je svojim prisustvom uveličao turnir i uručio pobjednicima zaslužene nagrade.

Za ovaj turnir nije se naplaćivala kotizacija.

Stadion FK Igman u novom ruhu

Na fudbalskom terenu FK Igman na Ilidži u toku je postavljanje umjetne trave, čime će stadion dobiti novi izgled. Uporedo sa postavljanjem umjetne trave gradi se i balon hala za fudbal, koja će predstavljati zaklon od vjetrova i snijega pružajući odlične uslove za treniranje.

Tim povodom delegacija Općinskog vijeća Ilidža posjetila je upravu FK Igman. Jakup Viteškić, predsjednik Skupštine FK Igman informisao je goste o trenutnim aktivnostima ovog kluba, ističući da je u posljednjih tri godine puno urađeno na rekonstrukciji i izgradnji sportskih terena FK Igman.

“Rekonstrukcija ovog terena od izuzetne je važnosti za one koji su u trenažnom procesu, kao i rekreativce, a postavljanje trave bila je itekako potrebna. Nadam se da će ovaj teren u ovom dijelu Ilidže doprinijeti masovnijem bavljenju fudbalskim sportom”, istakao je Viteškić.

Prema njegovim riječima podloga mora biti takva da se na njoj igra s jednakim kopačkama kao na prirodnoj travi. Želja je osigurati izbjegavanje ozljeda toliko koliko je to moguće izbjeći na prirodnoj podlozi. Potom ne smije biti blještavila, mora biti trajnija od prirodne trave a jednako propusna za oborine. Ta podloga ne mijenja svojstva ni na minus 20 Celzijevih stupnjeva.





Komemorativna sjednica Huseinu Mahmutoviću

Općinu Ilidža i ovaj svijet napustio je Husein Mahmutović, nekadašnji prvi čovjek Općine Ilidža.

Komemorativna sjednica održana je 23. novembra 2018. godine u sali Općine Ilidža.

O liku i djelu govorili su načelnik Općine Ilidža prof. dr. Senaid Memić, Husein Adilović, Suada Hadžović, Vahid Muhamerović i Enver Čičko.

Husein Mahmutović ostat će upamćen kao ozbiljan, odlučan, hrabar, vizionar i patriota, čovjek koji se družio s običnim narodom. Dao je puno Ilidži i BiH. Bio je načelnik u najtežim vremenima ali njegovo ime zasigurno će ostati u historiji lokalne zajednice jer je dao nemjerljiv doprinos u odbrani i obnovi Ilidže.

Knjiga žalosti je otvorena u holu Općine Ilidža. Dženaza Huseinu Mahmutoviću je klanjana u Centralnoj džamiji u Hrasnici, a ukopan je na mezarju Kovači-Hrasnica.

